

---

## ◻Бир қатор йўналишлар фаолиятини қайта бошлаш учун рухсат берилади

Инқизотга қарши курашиш республика комиссияси қарори билан эпидемия шароитида иқтисодиёт тармоқларининг барқарор ишлашини таъминлаш, ахоли ўртасида ишсизлик ошиб кетишининг олдини олиш ҳамда бюджет тушумларини таъминлаш учун иқтисодиётнинг қатор йўналишлари фаолиятига рухсат берилмоқда:

◻қурилиш материаллари бозорлари, шу жумладан, қурилиш материалларининг чакана ва улгуржи савдоси фаолияти билан шуғулланувчи хўжалик юритувчи субъектларга (майдони 500 кв.м дан кам бўлмаган);

◻йирик ишлаб чиқарувчи субъектларнинг ўз маҳсулотларини сотишга мўлжалланган худудлардаги тармоқ дўкон (магазин)ларига (санитар нормаси 10 кв.м га 1 нафар харидор тартиби асосида);

◻хунарманд ва усталарга - улар томонидан ясалган буюмларни бозор расталаридан ташқари алоҳида жойлашган жойда (дўкон) сотиш фаолиятига;

◻уруғ ва кўчат етиштириш ҳамда уларни сотиш фаолияти билан шуғулланадиган тадбиркорлик субъектларига (мулкчилик шаклидан қатъий назар);

◻тижорат банкларининг обьектлардаги шаҳобчаларига (кассалари);

◻автомобилларга эҳтиёт қисмлар сотиш фаолияти билан шуғулланадиган тадбиркорлик субъектларига (мулкчилик шаклидан қатъий назар);

◻автомобиллар, қишлоқ хўжалиги ва қурилиш техникаларига сервис хизмат кўрсатувчи ташкилотларга - 1000 кв.м дан кам бўлмаган майдонга эга субъектлар, шунингдек, вулканизация хизматлари кўрсатувчи субъектларга;

◻кимёвий тозалаш билан шуғулланувчи тадбиркорлик субъектларига;

◻нотариал идоралар ва суғурта компанияларини фаолият юритишига;

◻тўхтаб қолган инвестиция лойиҳалари ва ижтимоий соҳа обьектларини қуриш ишларини давом эттиришига ижозат берилгани шулар жумласидан.

2020-04-25 06:15:38